



13  
1787  
22



18  
1787  
22

事言要玄集三

閩福唐希顏陳懋學慕

人集

治統

三皇本紀

唐司馬貞索隱補之

太昊庖儀氏風姓代燧人氏母曰華胥履大人跡於雷澤生庖

犧成紀始造書契以代結繩之政畫八卦以通神明之德制嫁

娶以儷皮為禮結網罟以教佃漁作甲歷

起於甲寅六甲而天道周

以龍紀

官造琴瑟

作荒樂歌扶來劉桐為琴繩絲為絃二十有七命之曰離徽絙桑為三十六絃之瑟

木德王

都於陳在位一百一十年其後裔當春秋時有任宿湏句顯史  
皆風姓之胤也

女媧氏亦風姓惟作笙簧一曰亦木德王諸侯共工氏與祝融戰不勝而怒頭觸不周山天柱折地維缺女媧乃鍊五色石以補天斷鰲足以立四極於是地平天成

淮南子往古之時

四極廢九州裂女媧補蒼天正四極考其功烈上際九天下契黃墟乘雷車服駕應龍驂青虬援絕瑞席蘿圖

麻姑紫壇歌女媧鍊得五方氣

變化成形補天地三十六變世應知七十二化處其位

**圖經**平定州有東西浮化二

山皆有女媧廟其東浮山即媧氏補天之處其煉石竈尚存而所產諸色石亦可燒云歲上元夕人家各置一鑪當戶是曰補

天陸深注女媧繼太昊而除共工是時火德中微未能盡火之用是故鍊五色石以通昏黑之變輔烹飪之宜猶曰禘天之

所不及隋志淳古蒂籥創製人籟之源女媧笙簧仍昭鳳律之首伶倫含少乃擅比竹之工虞舜昭華力傳刻玉之美

炎帝神農氏姜姓母曰女登有媧氏之女為少典妃感神龍而

生炎帝斲木為耜稌木為耒始教耕於是作蜡祭以赭鞭鞭草

木始嘗百草始有醫藥始味草木之滋辨其君臣佐使之義嘗一日而遇七十毒神而化之遂作本草

以療疾在位一百四十年教人日中為市遂重八卦為六十四爻

大德王初都陳後居曲阜神農納奔水氏女曰聰諉為妣生帝

哀哀生帝克克生帝榆罔凡八代五百三十年而軒轅氏興焉

其後有州甫甘許戲露齊紀怡向申呂皆姜姓之後竝為諸侯

或分四岳蓋聖人德澤廣大故其祚胤長久云

尸子神農氏夫負妻戴以治天下堯曰朕之比神農猶旦與昏也

呂覽神農之教

日士有當年不耕者則天下或受其饑矣女有當年不績者則天下或受其寒矣故夫親耕妻親織

**拾遺記**

炎帝始教民耒耜築圓丘以祀朝日飾瑤塔以揖夜光奏九天之和樂百獸率舞八音克諧木石潤澤時有流雲灑液是謂霞

漿服之得道後天而老

一說三皇謂天皇地皇人皇

天皇十二頭木德王歲起攝提兄弟十二人立各一萬八千歲

天皇繼盤古氏以治是曰天地皇十一頭火德王姓十一人興

聖始制于支以定歲之所在地皇十一頭火德王姓十一人興

禁熊耳龍門等山亦各萬八千歲

頭兄弟九人分長九州各立城邑

爰定三辰是分晝夜人皇九

相厥山川分為九區人居九

一百五十世合四萬五千六百年自人皇已後有五龍氏燧人

氏大庭氏栢皇氏中央氏卷須氏栗陸氏驪連氏赫胥氏尊盧

氏渾沌氏昊英氏有巢氏朱襄氏葛天氏陰康氏無懷氏載籍

不紀無可備論豈得謂無帝王耶故春秋緯稱自開闢至于獲

麟凡三百二十七萬六千歲分為十紀凡世七萬六百年一日

九頭紀非有九頭蓋古質二曰五龍紀兄弟五人並三曰攝提

紀四曰合維紀五曰連通紀六曰序命紀七曰修飛紀八曰回

提紀九曰禪通紀言禪讓之德十曰流訖記綱目無攝提至因

厚信和人循其化若蜚有因提以其世或有制作俾後人可因

以利時流訖作疏佗言疏以知通訖以審斷仁義道德之所用

也尊盧之後斯並龍圖鳥跡以前恍惚忽杳冥之世固無得而詳焉

五運歷年盤古之君龍首蛇身噓為風雨吹為雷電開目為晝

閉目為夜死後骨節為山林腸為江海血為淮瀆毛髮為草木

鵲冠子九星殊制而政莫不効焉故曰泰一泰皇問泰一曰天

地人事三者孰急泰一曰愛精養神內端者所以希天泰一之

道九皇之傳請成於泰始之末注春秋緯云人皇兄弟九人分

治天下九皇之號豈緣是歟泰皇蓋九皇之長也索隱曰按李

斯議云天皇地皇之下即云泰皇當人皇也

子思子東戶氏之熙載也紹荒屯遺美好垂精拱默而九寰以承流當是之時禽獸成羣竹木遂長道上頽行而不拾遺耕者餘餼宿之隴首其歌樂而無謠其哭哀而不聲皆至德之世也亢倉子几邊氏之御天下也不治而不亂狗耳目內通而外乎心知天下之人惟知母不知父鶉居穀飲而不求不譽晝則旅行夜則類處及其死也橐舁風化而已令之曰知生之民莊子昔者容成氏大庭氏伯皇氏中央氏栗陸氏驪畜氏軒轅氏赫胥氏尊盧氏祝融氏伏戲氏神農氏當是時也民結繩而用之其其食美其服樂其俗安其居鄰國相望鷄狗之音相聞民至老死而不相往來若此之時則至治已

五帝本紀唐張守節正義

鄭玄註中候勅省圖德合五帝座星者稱帝又坤靈圖云德配天地在正不在私曰帝按太史公依世本大戴禮以黃帝顓頊帝學唐堯虞帝為五帝譙周應劭宋均皆同而孔安國尚書序皇甫謐帝王世紀孫氏注世本並以伏羲神農黃帝為三皇少昊顓頊高辛唐虞為五帝裴松之史目云天子稱本紀諸侯曰世家莆田柯維騏曰五帝之名見於孔子家語及大戴禮其說有二其一孔子答季康子以伏羲配木神農配火黃帝配土少昊配金顓頊配水此言數聖人革命改號取法於五行之帝非五帝之定名也其一則孔子所答宰子五帝德曰黃帝曰顓頊曰帝嚳曰堯曰舜太史公所述五帝紀是也厥後皇甫謐作帝上代紀蘇子由作古史鄭樵作通志並祖孔安國以伏羲神農黃帝為三皇少昊顓頊帝嚳堯舜為五帝五峯雙湖胡氏又主秦博士天皇地皇人皇之議而以伏羲神農黃帝堯舜為五帝道原劉氏遂以為定論竊謂皆不如太史公之說為有微耳

黃帝者少典之子母曰附寶之郊野見大電繞北斗樞星感而孕二十四月生黃帝于壽丘姓公孫

名曰軒轅長居短水諸侯咸賓從而蚩尤最為暴莫能伐

云黃帝攝政有蚩尤兄弟八十一人並獸身人語銅鐵額造五

負仗刀戟大弩黃帝以仁義不能禁止乃仰天嘆天遣神女下

授黃帝兵符炎帝欲侵凌諸侯諸侯咸歸軒轅乃脩德振兵教

逐伏蚩尤

熊羆貔貅驅虎以與炎帝戰於阪泉之野三戰然後得志與蚩

尤戰于涿鹿之野遂擒蚩尤

墳曰孔子三朝記云蚩尤庶人之

貪者駟按皇覽曰蚩尤冢在東平

郡壽張縣民常十月祀之有赤氣赤如匹絳練皇覽書名記

先代墳墓之處宜皇王者竟是魏人王象繆襲等所撰也未

嘗寧居東至于海登丸山一作凡在青及岱宗西至于空峒登

鷄頭俱在灑右空桐瀟州祿南至于江登熊湘熊耳在商州洛

陽比逐葷粥亦曰山戎夏曰淳維合符釜山東方朔云東海大

出瑞雲應王者之符以雲紀官春青夏緇秋白置左右太監監

于萬國若周邵舉風后力牧常先太鴻以治民命大撓作甲子

技幹相配以名

命容成作蓋天及調歷作蓋天以象周天之形

時節

獲寶鼎迎日推筴筴數也日月朔望未命隸首作數即九

法而律度量

命伶倫造律自大夏之故曰迎日命隸首作數即九

三寸九分而吹之以為黃鐘之宮制十二管以聽鳳凰之鳴而

別十二律其雄鳴為六雌鳴亦六以比黃鐘之宮生六律六呂

候氣之應以立宮商角徵羽之聲治陰陽之

氣節四時之變推律歷之數起消息正閏餘

命榮後作十二鐘

和五音應天時命大容作咸池之樂言其德象池水周遍

冕旒正衣裳事始黃帝作畫象日月星辰于衣上以作器用封

為陶正赤將為木正揮作弓夷牟作矢岐伯作鼓吹鏡角

靈輿神鉦徐廣車服儀制曰角本出羗胡一云出于越

車命共鼓化狐剝木為舟刻木為楫邑夷法斗之周旋

鄭康成曰金玉作內經察明堂究息脉至彭桐居處方餌而人

得貨布帛曰賄

節用木火財物

大戴禮云宰我問於孔子曰子開榮伊曰黃帝而民畏其神百年亡而民用其教百年故曰三百年也

德之瑞故號黃帝在位一百三十四年二十五子其得姓者十

四人

十四人為十二姓姬酉初已勝箴任荀嬉姑嫫依是也惟青陽與夷鼓同已姓又云青陽與蒼林為姬姓皇甫謐云倉林生始均是為北狄之祖陳殷曰

後皆有天下其一曰玄囂是為青陽

索隱曰玄囂帝嚳之祖或云青陽即少昊非

居江水其二曰昌意降居若水

降下言帝子為諸侯界水若水皆在蜀地界

蜀山氏女曰昌僕生高陽有聖德焉

抱朴子黃帝生而能

言役使百靈可謂天授自然體之者猶復不敢端坐而得道故

陟王屋而受丹經到崑湖而飛流珠登崆峒而問廣成之具茨

而事大隗適東岱而奉中黃入金谷而諮于心論導養而質玄

素二女精推步則訪山嵇力牧講占候則詢風后著脉診則受

雷岐審攻戰則納五音之策窮神奸則紀黃澤之詞相地理則

書青鳥之說救傷殘則綴金冶之術故能畢紀秘要窮盡道真

遂升龍以高濟與天地乎罔極

少昊金天氏

綱目云名摯黃帝之子玄囂母曰嫫祖感火星如虹下臨華渚之祥而生帝以金德王

曲阜以鳥紀官

鄉子曰我高祖少皞擊之立也鳳鳥適至故紀於鳥為鳥師而鳥名鳳鳥氏歷正也玄鳥氏司

分者也伯趙氏司至者也青鳥氏司啓者也丹鳥氏司閉者也

五鳩鳩民者也五雉為五工正利器用正度量夷民者也九扈為九農正色民無淫者也自顓頊以來不能紀遠乃紀於近為民師而命以民事仲尼聞之見郊子而學之既告人曰吾聞天子失官學在

作大淵之樂

爰書鸞鳳立建鼓制浮磬以通山川之氣

古史考窮桑氏嬴姓也以金德王

史記無少昊即顓頊按之今依劉恕外記補此

故號金天氏或曰宗師太昊之道故曰少昊

拾遺記少昊



以主西方一號金天氏亦曰金窮氏時有五鳳隨方之色集於

帝庭因曰鳳鳥氏亦曰桑丘氏至六國時桑丘子著陰陽書即

其餘裔拾遺記黃帝置四史以主圖籍使九行之士以統萬國九行者孝慈又信言忠恭勇義亦為九德之臣

帝顓頊高陽者黃帝之孫而昌意之子也世紀云父昌意雖居帝之嫡以德弱降居

若水為諸侯帝十歲佐少養材以任地載時以象天行

官重該脩脩熙定能全木及水乃俾重為木正曰句芒該為金正依鬼神以制義制字都于帝丘今東郡濮陽命五

命南正重司命南正重司

天址正黎司地以屬神民少昊氏衰九黎亂德民神雜操乃命

以斗杓建寅之月為歷元帝作歷以孟春之月為元

在位天歷營室冰凍始泮蟄蟲始發雞始三號天曰立春五星會于

七十八年娶鄒屠氏女生駱明又生蒼舒憤敢禱戴大臨龐降庭堅仲容叔達是為八愷又娶勝潰氏女生卷章庶

子曰窮蟬其不才子曰構机駱明姒姓生伯鯨鯨生禹是為

夏后氏卷章妻曰女嬌生黎及回黎與回代為祝駟於高辛

姓曰季連樊封昆吾籤封彭其孫元哲封帝季連羊姓後為楚

○窮蟬生敬康敬康生句望句望生橋午橋午生瞽瞍瞽瞍生

益舜賜姓虞氏顯帝裔孫曰母脩生大業大業生大費是為伯

長子曰太康其後為秦為補呂覽良人請問十二紀文信

侯曰嘗得學黃帝之所以誨顓頊矣爰有大圖在上大矩在下

汝能法之為民父母蓋聞古之清世是法天地凡十二紀者所

以紀治亂存亡也新書顓頊曰功莫美於去惡而為善罪

莫大於去善而為惡故吾非善善而已也善緣善也非惡惡而

已也惡緣惡也吾日慎一日其此而已也潛夫論顓頊氏

其相戴干其號高陽厥質神靈德行祇肅迎送日月順天之則

能敘三辰以固民 拾遺記帝顓頊高陽氏黃帝孫昌意之  
子昌意出河濱遇黑龍負玄玉圖時有一老叟謂昌意云生子  
必叶水德而王至十年顓頊生手有文如龍亦有玉圖之象有  
浮金之鍾沉明之磬以羽毛拂之則聲振百里乃奏含英之樂  
其音清密

帝嚳高辛者黃帝之曾孫也高辛父曰蟜極蟜極父曰玄囂玄  
囂父曰黃帝高辛於顓頊為族子 索隱曰宋衷云高辛地名因  
以為嚳名也皇甫謐云號嚳

名參張晏云少昊之前天下之號象其德顓頊以來天下之  
號因其名高陽高辛皆所興之地名顓頊與嚳皆以字為號都  
于亳 以水德王亳在  
歸德府城東 作九招之樂其色郁郁其德嶷嶷其動也

時其服也士娶陳鋒氏女生放勳姬訾氏女生摯 帝王紀云帝  
有四妃十子皆  
有天下元妃有郇氏女姜嫄生后稷次妃有娥氏女簡狄生契  
次妃慶都生放勳次妃常儀生帝摯庶子伯奮仲堪叔獻季仲

伯亮仲熊叔豹季狸天下謂  
八元其不才子曰實沈閼伯 在位七十五年帝嚳崩摯代立帝

摯立不善崩而弟放勳立 鬻子昔者帝嚳年十五而佐帝

顓頊三十而治天下其治天下也上緣黃帝之道而明之學帝  
顓頊之道而行之 管子佶堯之時混吾之美在下其道非

獨出人也山不童而用贍澤不弊而養足耕以自養以其餘應  
食天子故平其獄一疇腓一疇屨而當死 白虎通帝嚳有

天下號高辛高辛者道德大信也嚳者極也言其能施行窮極  
道德也 新書帝嚳曰德莫高於博愛人而政莫高於博利

人故政莫大於信治莫大於仁吾慎此而已也

帝堯陶唐氏 生母家伊侯之國後徙者故姓伊著受封于陶  
都平陽在位九十八年謚法翼善傳聖曰堯 書

粵若稽古帝堯曰放勳 柯維祺曰太史公本五帝德以放勳重  
華文命為名孔安國尚書傳則堯舜禹

為名顧安國之說宋儒宗之馬融諸人以欽明文思安安仁山金履  
堯舜禹為謚蓋以夏商以前以號為謚也欽明文思安安仁山金履  
祥曰思言其運量裁處意思周密所謂其智如神也名恭以下  
即四德之推恭讓者欽之陰被四表者明文之著格于上下則  
思之感

和萬邦黎民於變時雍甲辰元載乃命羲和欽若昊天曆象日  
月星辰敬授人時尚書大傳舜巡四獄祀泰山霍山皆奏羲伯  
氏所掌者合則羲伯和伯當有其人蓋四子分職必有二伯總之不然曆法無所統矣

曰暘谷寅賓出日平秩東作日中星鳥以殷仲春厥民柝鳥獸  
孳尾申命羲叔宅南交劉氏云宅南曰交陳氏云宅南交曰明都平秩南訛史記索

敬弼日永星火以正仲夏厥民因鳥獸希革分命和仲宅西曰  
昧谷寅饑納日平秩西成宵中星虛以殷仲秋厥民夷鳥獸毛

毳申命和叔宅朔方曰幽都平在朔易日短星昴以正仲冬厥

民隩鳥獸氄毛朱子云宅度古文通曆法以日行起度以日出

及到日中之景寅敬實錢謹其事也永短中星皆自是推然候  
中星又所以定日度也每節自作訛成

孔子曰舜臨民以五堯臨民以十二十二載丙辰十有二載巡狩

下五十年遊於康衢兒童謠曰立我蒸民莫匪爾極不識不知  
順帝之則文中子曰堯有衢室之問時有老人擊壤而歌曰吾日出而作

日入而息鑿井而飲耕田而食帝何力於我哉 六十一載洪  
水咨四嶽舉鯀俾乂 七十載舉舜登庸履祥按史稱黃帝之

堯黃帝之玄孫也又稱黃帝生昌意昌意生顓頊顓頊歷窮蟬敬康  
向望橋午以至瞽叟而生舜則舜黃帝八世孫也堯舜俱出於  
黃帝則二女之妻不亦亡宗墳姓亂序無別已乎或曰晉胥臣  
曰黃帝之二十五人得姓者十四人為十二姓其同姓者二  
人而已異姓則異德異德則異類異類雖近男女相反以生民  
也又說曰繫之以姓而弗別雖百世而婚姻不通者周道然也

胥臣之言為納懷竊故附會而言非正也禮記之言用周道以  
 正諸侯之失也皆非此之謂也世系之傳史記之失考也昔者  
 歐陽氏國論之矣且司馬談遷漢史也其紀漢之初已不知高  
 祖之世系於父曰太公而猶不知其名母曰劉媪而猶不知其  
 氏而其上紀五帝之世母妻嬪庶子孫名氏一無所遺耳目所  
 及尚如此則二千餘年所傳聞者其尚足信乎果如史記五帝  
 三王皆黃帝之後則伏羲神農子孫何以皆無帝王者商周猶  
 曰世遠也若顯頊高辛陶唐皆黃帝後則一家伯仲子孫遞相  
 傳授又何必殊綴號易五運後世又何必曰五帝官天下云哉  
 古之王者必有庶子之官蓋公卿大夫之子凡天下之俊秀與  
 天子之子遊焉學焉者則十四人為一丙辰七十三載舜受終  
 十二姓焉又何必皆為黃帝之子也

于文祖 八十載禹告成功 八十一載肇十有二州 莊

子堯觀乎華華封人曰嘻聖人請祝聖人使聖人壽堯曰辭使  
 聖人富堯曰辭使聖人多男子堯曰辭封人曰壽富多男子人  
 之所欲也女獨不欲何耶堯曰多男子則多懼富則多事壽則  
 多辱是三者非所以養德也故辭 舜問於堯曰天王之用心

何如堯曰吾不教無告不廢窮民苦死者嘉孺子而哀婦人此

吾所以用心已舜曰美則美矣而未大也堯曰然則何如舜曰

天德而出寧日月照而四時行若晝夜之有經雲行而雨施矣

堯曰膠膠擾擾乎子天之合也我人之合也 堯戒曰戰戰慄慄

於山而 說苑當堯之時舜為司徒契為司馬禹為司空后

稷為田疇夔為樂正倕為工師伯夷為秩宗皋陶為大理益掌

毆禽堯體力便巧不能為一馬堯為君而九子為臣其何故也

堯知九職之事使九子者各受其事皆勝其任以成九功堯遂

成厥功以王天下 吳越春秋堯號禹曰伯禹 蓋封之為官

曰司空 總掌天下水土 賜姓姒氏領統州伯以巡十二部 分十二州

癸未一百載帝乃殂落 路史帝堯之子十其長號監明先

在此時

死監明之子式封于劉其後有劉累事存漢紀富宜氏史漢作散宜氏生朱鷺佞媚克兄弟為閹囂訟嫚淫帝悲之制奕以閑其情使出就丹虞氏國之房夏后封之唐庶子允其後傳鑄冀邠標函高唐上唐唐杜皆其後御龍豕常魯范隨士劉見左氏

古史堯後有劉累者學擾龍於豢龍氏事夏孔甲賜氏曰御龍以豕豕常之後為豕常氏商之哀徙居於唐周以唐封叔虞復自唐徙杜為唐杜氏宣王誅杜伯其子照叔適晉為范氏范武子奔秦自秦復歸于晉其處者為劉氏

帝舜有虞氏

路史其先國于虞始為虞氏系出虞慕母握登生舜姚丘故姓姚以木德王都蒲坂在位五十年謚

法仁聖盛

書重華協于帝濟哲文明溫恭允塞玄德升聞

乃命以佐

大紀得年二十孝友聞於人有友七人焉雄陶

方回續牙伯陽東不訾秦不虛靈甫常輔翼之

淮南子昔

舜耕于歷山暮年而田者爭處峽峭以封壤肥饒相讓釣于河

濱暮年而漁者爭處湍瀨以曲隈深潭相予當此之時口不設

言手不指麾執玄德於心而化馳若神使舜無其志雖口辨而

戶說之不能化一人是故不道之道莽乎大哉 昔高陽氏有

才子八人世得其利謂之八愷高辛氏有才八八八世謂之八

元此十六族者世濟其美不隕其名至於堯堯未能舉舜舉八

愷使主后土以揆百事莫不時序舉八元使布五教于四方父

義母慈兄友弟恭子孝內平外成昔帝鴻氏有不才子掩義隱

賊好行凶慝天下謂之渾沌少皞氏有不才子毀信惡忠崇飾

惡言天下謂之窮竒顓頊氏有不才子不可教訓不知話言天

下謂之檮杌此三族世憂之至于堯堯未能去縉雲氏有不才

子貪于飲食冒于貨賄天下謂之饕餮天下惡之比之三凶舜

賓於四門乃流四凶族遷于四裔以御魍魎

左傳季文子

堯崩而天下如一同心戴舜以為天子以其舉十六相去四凶

也故虞書數舜之功曰慎徽五典五典克從無違教也此八元

曰納于百揆百揆時序無廢事也此八愷曰賓于四門四門穆

穆無凶人也 丙戌元載月正元日格于文祖咨二十有二人

馬融曰稷契皋陶皆居官久有成功但述而美之無所復救禹及禹以下皆初命凡六人與上十二枚四嶽凡二十二人鄭玄

曰皆格于文祖六載巡狩 書大傳五載一巡狩群后德

讓貢正聲而九族具成陶氏曰族當為奏言諸侯貢其正雖禽

獸之聲猶悉關於律鄭氏曰開樂者人性之所自有也故聖王

巡十有二州觀其風俗習其性情因論十有二俗鄭氏曰今詩

定以六律五聲八音七始著其素鄭氏曰五聲宮商角徵羽也

也七始黃鍾太簇大呂南呂姑洗應鍾蕤賓也歌聲不應此則去之素猶始也履祥按此採詩作樂之始也蕤以為

八此八伯之事也鄭氏曰蕤猶聚也樂音分定於五此五岳之

事也五謂墳在北方五音天音也八聲天化也七始天統也鄭

曰天所以虞夏傳惟十有四祀帝乃雍而歌者重篇於時

俊又百工相和而歌卿雲帝乃偶之曰卿雲爛兮禮縵縵兮日

月光華旦復旦兮八伯咸進稽首曰明明尚天爛然星陳日月

光華弘于一人帝乃載歌旋持衡 三十有二載帝命禹總師

癸酉四十有八載帝陟方乃死書稱三十微庸三十在位五

數陟方猶尸子舜南向而治天下天下太平燭于玉燭息

于永風食于膏火飲於醴泉舜之行其猶河海乎千仞之溪滿

焉螻蟻之穴亦滿焉由此觀之禹湯之功不足言也

荀子堯問於舜曰我欲致天下為之柰何對曰執一無失行微無怠忠信無倦而天下自來執一如天地行微如日月忠誠盛於內責於外形於四海天下其在一隅耶夫有何足致也

書大傳子曰參女以為明主為勞乎昔者舜左禹而右皋陶不下席而天下治

李固傳昔堯殂之後舜仰慕三年坐則見堯于墻食則覩于羹

崔寔傳濟時拯世之術豈必體堯蹈舜然後乃理哉期於補綻決壞枝柱邪傾隨形裁割措於安寧

意林武王問五帝之戒可得聞太公曰黃帝云余在民上搖搖恐夕不至朝故金人三緘其口慎言語也堯居民上振振如臨深淵舜居民上兢兢如履薄冰禹居民上慄慄如恐不滿湯居民上翼翼恐不敢息

書疏梁武帝云書起軒轅同以燧人為皇其五帝自黃帝至堯而止知帝不可以過五故曰舜

非三王亦非五帝與三王為四代而已學記云三王四代惟其師註虞夏商周

路史女瑩生義鈞及季釐義均封商今商之商洛有堯女墓武關西北百有二十里商城是也禹封其子於虞季釐封於緡其後為夏桀所克舜庶子七人圭胡負遂廬滿衛甄潘饒番傳鄉息有何母轅餘姚上虞濮陽餘虞西虞亡錫巴陵衡山長沙皆其裔也夏有箕伯箕伯之後箕子

太史公曰學者多稱五帝尚矣然尚書獨載堯以來而百家言

黃帝其文不雅馴薦紳先生難言之孔子所傳宰予問五帝德及帝繫姓儒者或不傳余嘗西至空峒北過涿鹿東漸於海南浮江淮矣至長老皆各往往稱黃帝堯舜之處風教固殊焉總

之不離古文者近是予觀春秋國語其發明五帝德帝繫姓章  
矣顧第弗深考其所表見皆不虛書缺有間矣其軼乃時時見  
於他說非好學深思心知其意固難為淺見寡聞道也余并論  
次擇其言尤雅者故著為本紀書首

夏本紀 禹在位十年 啓九年 太康二十九年 仲康十三年 帝相

十七年 帝桀二十六年 帝芒十八年 帝泄十六年 帝不降五十一

九年 帝高二十一年 帝履二十年 帝孔甲三十一年 帝皐十一

年 帝發十九年 帝履癸五十二年 始禹甲戌 終桀甲午 一十七

主并并泥合四百四十一 年自甲戌至大明洪武戊申三千五

百七十 六

夏禹 母脩已吞神珠薏苡折胃而生禹受封為夏 名曰文命 書

伯地河南陽翟案謚法受禪成功曰禹 帝顓頊之孫也 索隱連山易云縣封

文命敷于四海孔云外布 帝顓頊之孫也 於崇故國語謂之崇

伯亦以縣為顓頊子漢書律曆志則志顓頊五代而 禹為人敏

生縣按縣地北竟與舜代系懸殊班氏之言近實 禹為人敏

給克勤其德不違其仁可親其言可信聲為律身為度稱以出

疊疊穆穆為綱為紀禹乃遂益后稷奉帝命諸侯百姓興人

徒以傳土 傳即付也謂付 行山表木 表木謂刊木 定高山大川

禹傷先人父鯀功之不成受誅乃勞身焦思居外十三年過家

門不敢入陸行乘車水行乘船泥行乘橈 音藪橈形如 山行乘

橈音與以鐵如錐頭長寸半施 左準繩右規矩載四時以開九

州通九道陂九澤度九山即天子位會諸侯于塗山 大紀

為銘於冀簠曰告寡人以道者擊鼓以義者擊鍾以事者振鐸

以憂者擊磬以獄者揮鞀 說苑禹出見罪人下車問而泣

之左右曰夫罪人不順道故使然焉君王何為痛之至於此也

禹曰堯舜之人皆以堯舜之心為心今寡人為君也百姓各自



以其心為心是以痛之也

廣弘明時多禹嘆物未克心

舉臯陶薦之且授

政焉而臯陶卒封臯陶之後於英六或在許而後舉益授之政

路史臯陶乃少昊之後四世而庭堅則高陽氏之子六乃臯陶

之後別有舒蓼宣八年始滅初陶漁于雷澤虞帝求濟以為士

師造律執中封于臯為臯陶子封偃為偃姓又有孫思成思

成其後世為理以命族至紂時理微為翼隸申吳伯弗合以死

取契和氏通離伊虛為李十年帝禹東巡狩至于會稽而崩

氏其後世為伯陽父云

傳禹始也到大越上茅山大會計爵有德封有功更名茅山曰

會稽及其王也巡狩大越見者老約詩書審銓衡平斗斛因病

亡死葬會稽蕭桐棺穿壤七尺上無馮泄下無邸水壇高三

尺止階三等延衰一畝又曰越之先居無餘乃禹之世別封于

越以守

禹家

脛不生毛生偏枯之病步不相過人曰禹步

趨時冠挂而不顧履遺而不取非爭其先也爭得其時也故聖

人不貴尺之璧而重寸之陰時難得而易失也

陶侃嘗語人曰大禹聖人乃階

寸陰至於晷人當惜分陰

見禹王天下伯益輔治伯成子高委位而耕

啓禹之子母塗山氏之女也有扈氏不服大戰於甘將戰作甘

誓曰嗟六事之人予警告汝有扈氏威侮五行怠棄三正天用

勅絕其命遂滅有扈天下咸朝

左王孫滿昔夏之方有德

也遠方圖物貢金九牧鑄鼎象物百物而為之備使民知神姦

故民入川澤山林不逢不若螭魅罔兩莫能逢之用能協于上

下以承天休

諸家謂禹鑄九鼎於經無方

有德之辭似當從墨子之說

大廉折金山川鑄陶於昆吾作九鼎

貴寧要言詳其禹鼎不止

民戶地理寬狹皆可也故後語云據九鼎按圖籍注

云秦據執得周九鼎自然業次知九州之籍圖書也

子帝太康立太康失國

盤于遊田不恤民事

為羿所逐不得反國

昆弟五人須于

洛汭作五子之歌

其二云訓有之內作色荒外作禽荒其酒嗜音峻宇雕牆有一於此木或不亡

弟帝仲康立時羲和酒淫廢時亂日胤后承王命往征之

作胤征曰傲擾天紀遐棄厥司乃季秋月朔辰弗集於房瞽奏

鼓嗇夫馳庶人走羲和尸厥官罔聞知

子帝相立

竹書后相即位二年征黃夷

七年于夷來賓

八歲寒浞

殺羿

晉魏莊子昔有夏之方衰也后羿自鉏遷於窮石因夏民以代夏政恃其射也不脩民事而淫于原獸棄武羅伯困熊羆龍圍而用寒浞寒浞伯明氏之讒子弟也伯明后寒棄之夷羿收之信而使之以為已相浞行媚于內而施賂于外愚弄其民而虐羿下田樹之詐惡以取其國家內外咸服羿猶不悛將歸自田家衆殺而烹之以食其子其子不忍食死于窮門浞因羿室生澆及豷恃其讒惡詐偽而不德於民使澆用師滅斟灌斟尋處澆于過處豷于戈臣靡自有鬲氏收二國之盡以滅之而立少康少康滅澆于過后

以伐斟鄩滅夏后相后緡方娠逃出自竇歸于有仍生少康

少康為仍牧正其澆能戒之澆使椒求之逃奔有虞為之庖正

以除其害虞思於是妻之以二姚而邑諸綸有田一成有衆一

旅能布其德而兆其謀以收夏衆撫其官職使女艾諜澆使

季杼誘豷遂滅過戈復禹之績祀夏配天不失舊物

書夏后氏太康失德夷人始畔自少康已後世服王化遂賓於

王門獻其樂舞

子帝杼立

子帝杼立

子帝槐立

子帝芒立

子帝泄立

東漢書西羌傳太康失國四夷背叛及相即位乃征畎夷七年然後來賓至于泄始加爵命由是服從桀之

亂畎夷入居郟岐之間

子帝不降立

弟帝

子帝不降立

不降之子為帝孔甲好方

尚立

子帝履立

鬼神事夏德始衰天降龍二使劉累豢之蔡史曰昔有鬻叔安

好龍能求其者欲以飲食之龍多歸之乃擾畜龍以服事帝舜

帝賜之姓曰董氏曰豢龍封諸醴川駿夷氏其後也故帝舜氏

世有畜龍及有夏孔甲擾于有帝帝賜之乘龍河漢各二各有

雌雄孔甲不能食而未獲豢龍氏有陶唐氏既衰其後有劉累

學擾龍于豢龍氏以事孔甲能飲食之夏后嘉之賜氏曰御龍

以夏后常之後龍一雌死潛醢以食夏后夏后饗之既而使求

之龍而遷于魯

縣董氏其後也

為東音諸侯化之古今所傳謂孔甲有盤盂之

飛異乎所曰或曰孔甲人名非夏后孔甲

舉立

子帝發立

子履癸是為桀

大紀桀能申鈞索鐵

以為戲劇

桀迷惑暴亂太史令終古出其國法執而泣之先

奔于商三年桀亡

夏桀不務德而武傷百姓迺召湯而囚之

夏臺湯率兵伐夏桀走鳴條遂放而死禹為姒姓其後分封用

國為姓故有夏后氏有扈氏有男氏斟尋氏彤城氏褒氏費氏

杞氏繒氏辛氏寘氏斟氏戈氏孔子正夏時學者多傳夏小正

云

論語陰嬖讖庚子之旦金版尅書出地庭中曰臣族虐

王禽宋均曰謂殺關龍之後庚子旦庭中地有此版異也龍同

姓稱族王虐殺我必見禽也任昉牋云金板出地告龍逢之怨

尚書帝命驗期桀失玉鏡用其噬虎注玉鏡謂清明之道

虎視謂其暴虐

孝經援神契后偷任威折其玉斗失其金

推注后桀也偷苟且自奉也玉斗者渾儀金推言國之寶

紀年

命扁伐岷山岷山女于桀二人曰琬曰琰桀愛二女無子焉斲

其名于苕華之玉苕是琬華是琰而棄其元妃于洛曰妹嬉氏

以與伊尹交

遂以夏亡

紀年

殷本紀

成湯在位十三年太甲三十六年

仲丁十三年外壬十五年河

甲十六年廩卒六年庚丁六年武乙四年太丁三年祖庚九年祖

年紂三十三年史記外有外丙仲壬共六年自湯乙未盡紂成

六百二十八世合

殷契索隱契始封商其後盤庚遷母曰簡狄有娥氏之女為帝

嚳次妃見玄鳥墮其卵簡狄取吞之因孕生契譙周云契生堯

必嚳契長而佐禹治水有功帝舜命契曰敬敷五教在寬封於

商今上賜姓子氏禮緯以玄功業著於百姓契卒子昭明立昭

明卒子相土立左闕伯居商在相土因之相土子昌若昌若子

曹圉曹圉子冥禮冥勤其官而水死冥子振振子微微子報丁

報丁子報乙報乙子報丙報丙子主任主任子主任子主任

天乙立是為成湯母扶都見白氣貫自契至湯八遷湯始居亳

從先王居作帝居沃居告來居沃土葛伯不祀湯始伐之湯

曰予有言人視水見形視民知治否伊尹曰明哉言能聽道乃

進君國子民為善者皆在王官懋哉懋哉大紀成湯薦伊

尹于桀為陳素王及九主之事劉向別錄九主者有法君專君

三歲杜君凡九品圖畫其形索隱桀不聽伊尹自亳凡五適夏

告以堯舜之道桀終不聽皇甫謐曰伊尹力牧之後路史伊炎

伊侯湯出見野張網四面祝曰自天下四方皆入吾網湯曰

嘻盡之矣乃去其三面祝曰欲左左欲右右不用命乃入吾網

諸侯聞之曰湯德至矣及禽獸書序伊尹相湯伐桀升自

陬遂與桀戰于鳴條之野作湯誓夏師敗績湯遂從之遂伐三

十六

六百

腹俘厥寶玉誼伯仲伯作典寶湯歸自夏至于大垆仲虺作誥

仲虺臣名大戴作仲傀史作仲鬪荀作仲薳奚仲之後為湯左相或曰即萊朱湯既黜夏命復歸于亳

作湯誥惟三月王自至東郊告諸侯羣后母不有功于民勤力

迺事予乃大罰殛女母予怨曰古禹臯陶父勞于外其有功乎

民民乃有安東為江址為濟西為河南為淮四瀆已修萬民乃

有居后稷降播農殖百穀三公咸有功于民故后有立昔蚩尤

與其大夫作亂百姓帝乃弗予有狀先王言不可不勉曰不道

母之在國女母我怨以令諸侯伊尹作咸有一德咎單作明居

咎單湯司空國號曰商其圖書曰歸藏坤乾震巽坎離艮兌

明居民之法至順常靜而生生無為者乃有為之母其以斗杓建丑冬十二

月為歲首是謂地統以日中為朔改歲曰祀建大白乘大輅自

馬黑首大事歛用日中戎事乘翰戎車曰寅車牲用白牝封夏

后氏之後於祀行甲寅曆 十有九祀大旱 二十祀大旱夏

桀死于亭山 史放桀南巢三年桀死于亭山其子淳維妻其妾

奴傳曰其先伯禹之苗裔 二十有一祀大旱發莊山之金鑄幣賑民 管子

時為權地以財為權人以力為權君以令為權失天之權則人

地之權亡湯七年旱禹五年水民之無糧賣子者湯以莊山之

金鑄幣而贖民之無糧賣子者故天權失人地之權皆失也 二十有

四祀大旱禱于桑林以六事自責雨 荀子湯旱而禱政不節與

極也官室崇與女謁盛與何以不雨至斯極也 大紀禱於桑

林之社天油然作雲沛然下雨歲則大熟天下謹洽遂作桑林

之樂名曰大濩作諸器用之銘以為警戒史失之其盤銘曰苟

日新日日新又日新 禮記厲山氏之有天下也其子曰豐

能殖百穀夏之衰也周棄繼之故祀以為稷蔡墨曰周棄亦為

稷自商以來祀之記疏曰夏末湯遭大旱七年欲變置社稷故

廢農祀棄春秋疏曰書序云湯既勝夏欲遷其社不可作夏社

優劣改易祀典意欲遷社而無及勾龍太子大丁未立而卒伊

尹廼立太丁之子太甲正義尚書孔子序云成湯既沒太甲元年不言有外丙仲壬史記有之

太甲成湯嫡長孫也帝太甲元年伊尹作伊訓中云敷

俾輔于爾後嗣制官刑儆于有位曰政有恒舞于宮酣歌于室

時謂坐風敢有狺于貨色恒于遊田時謂淫風敢有侮聖言造

忠直遠者德比頑童時謂亂風惟茲三風十愆太甲既立三年

不遵湯法亂德于是伊尹放之桐宮三年伊尹攝行政當國以

朝諸侯汲冢云伊尹放太甲于桐乃自立蓋誤以攝政為真耳太甲居桐三年悔過自責

遷善於是伊尹廼迎帝太甲而授之政帝太甲修德諸侯咸歸

殷百姓以寧伊尹嘉之廼作太甲訓三篇褒帝太甲稱太宗

子帝沃丁立帝沃丁之時伊尹卒既葬伊尹於亳世紀伊尹

名摯為湯相號阿衡年百歲卒而霧三日沃丁以天子禮葬之咎單遂訓伊尹事作沃丁

弟帝太庚立 子帝少甲立 弟帝雍已

立殷道衰諸侯或不至 帝太戊立伊陟為相陟尹毫

有祥桑穀共生於朝一暮大拱帝太戊懼問伊陟伊陟曰臣聞

妖不勝德帝之政其有關與太戊從之而祥桑枯死伊陟贊言

于巫咸巫咸治王家有成作咸乂 家語商王太戊側身脩

行思先王之政明養民之道三年之後遠方慕義重譯至者十

有六國世家伯翳生子二人一曰大廉實鳥俗氏其玄孫曰孟

以下中行之後遂故稱中宗 書無逸昔在殷王中宗嚴恭

世有功以佐殷國

寅畏天命自度治民祇懼不敢荒寧肆中宗之享國七十有五

年 夷作寇自是或服或叛三百餘年

弟帝外壬立

弟河亶甲立河亶甲居相在相州黃縣殷復衰

子祖

乙立 大紀王之世遷都于耿

在絳州龍門縣

為水所圮王懼以巫

咸之子賢為相

殷宣夜之說巫咸為之正義巫咸及子賢家皆在蘇州常熟縣

諸侯賓服殷復

興

子帝祖辛立

弟帝沃甲立

立

兄祖辛之子祖丁

立弟帝沃甲之子帝南庚

立帝祖丁之子帝陽甲陽甲之時殷衰自沃丁以來廢適而

更立諸弟子諸弟子或爭相代立比九世亂於是諸侯莫朝

弟盤庚立盤庚之時殷已都河北盤庚都河南復居成

湯之故居迺五遷無定處

正義曰湯自南亳遷西亳仲丁遷於河亶甲祖乙居耿盤庚度河南居西

亳是謂五遷

殷民咨胥皆怨不欲徙盤庚乃告諭諸侯大臣

鄭康成曰祖乙

居耿以後奢侈踰禮土地迫近山川常圯馬至陽甲立盤庚為之臣乃謀徙居湯舊都民居取久奢淫成俗故不樂徙大紀論曰自祖乙都耿之後三世有兄弟爭奪之禍宗族羣下各有

黨與蕩折離居罔有定極盤庚欲正名而誅罰之則傷親親召變亂聽其所為而縱之則不可以為國故必遷於亳理之以舊制參之以新民消散黨與使定于一也自是而後子弟更立十

世無復爭奪之禍矣

行湯之政然後百姓由寧殷道復興

考要湯初以商為國號及盤庚

遷殷故號曰殷然亦兼稱商詩曰咨爾殷商又曰殷商之旅

諸侯來朝以其遵成湯之德也

帝弟小辛立殷復衰

弟帝小乙立

子帝武丁立武丁即位思復興殷而未得其佐三年不言政

事決定於冢宰

經世高宗踐位甘盤為相按高宗自謂學於甘盤周公亦曰在高宗時則有若其盤蓋新政時

也相盤

夜夢得聖人名曰說於是乃求百工營求之野得說於傳

險中是時說為胥靡

胥靡刑人說代築於傳險

古巖

得而與之

語果聖人舉以為相殷國大治故遂以傳險姓之號曰傳說帝

武丁祭成湯明日有飛雉登鼎耳而响武丁懼祖已曰賢臣王

勿憂先脩政事武丁脩政行德天下咸驩殷道復興

子帝祖庚立祖已嘉武丁之以祥雉為德立其廟為高宗遂作

高宗彤日祭之明日殷及訓

書無逸其在高宗時舊勞于

外爰暨小人作其即位乃或亮陰三年不言其惟不言言乃雍

不敢荒寧嘉靖殷邦至于小大無時或怨肆高宗之享國五十

有九年唐太宗贊湯有天下傳二十八王而其甚盛者號稱三宗

弟帝祖甲立帝

甲淫亂殷復衰

子帝康辛立

弟帝庚丁立

子帝武乙立復去亳徙河址武乙無道為偶人謂之

天神與博不勝仰而射之名曰射天獵於河渭之間暴雷震死

子帝太丁立

子帝乙立殷益衰帝乙長子曰微子啓

啓母賤不得嗣此以啓與紂異母依呂氏春秋言母當生啓時猶未正立及生紂時始正為妃故啓生而庶紂

少而紂曰帝紂資辨捷疾聞見甚敏材力過人手格猛獸知足以距諫

言足以飾非矜人臣以能高天下以聲以為皆出已之下好酒

淫樂嬖於嬖人愛妲己妲己之言是從於是使師涓作新淫聲

北里之舞靡靡之樂厚賦稅以實鹿臺之錢而盈鉅橋之粟益

收狗馬奇物充仞宮室益廣沙丘苑臺多取野獸蜚鳥置其中

慢於鬼神大聚樂戲於沙丘以酒為池縣肉為林使男女保相

逐其間為長夜之飲百姓怨望而諸侯有畔者於是紂乃重辟

四



刑有炮烙之法用費中為政費中善諛好利殷人弗親紂又用  
 惡來惡來善毀讒諸侯以此益疏西伯歸乃陰修德行善諸侯  
 多叛紂而往歸西伯西伯茲大紂由是稍失權重王子比干諫  
 弗聽商容賢者百姓愛之紂廢之及西伯伐幾國滅之紂之臣  
 祖伊聞之而咎周恐奔告紂曰天既訖我殷命假人元龜無敢  
 知言非先王不相我後人維王淫虐用自絕故天弃我不有安  
 食不虞知天性不廸率典今我民罔不欲喪曰天曷不降威大  
 命胡不至今王其柰何紂曰我生不有命在天乎祖伊反曰紂  
 不可諫矣西伯既卒周武王之東伐至盟津諸侯叛殷會周者  
 八百諸侯皆曰紂可伐矣武王曰爾未知天命乃復歸紂愈淫  
 亂不止微子數諫不聽乃與大師少師謀遂去比干曰為人臣

者不得不以死爭廼強諫紂怒曰吾聞聖人心有七竅剖比  
 干觀其心箕子懼乃佯狂為奴紂又囚之殷之大師少師乃持  
 其祭樂器奔周周武王於是遂率諸侯伐紂紂亦發兵距之牧  
 野甲子日紂兵敗紂走入登鹿臺衣其寶玉衣赴火而死周武  
 王釋箕子之囚封比干之墓表商容之間鄭玄云商容樂官知禮容所以禮署稱容  
 臺封紂子武庚祿父以續殷祀於是周武王為天子其後世貶  
 帝號為王索隱夏殷天子亦皆稱帝代以德薄不及五帝始貶帝號為王故本紀皆帝而后總曰三王也  
 周武王崩武庚與管叔蔡叔作亂成王命周公誅之而立微子  
 於宋以續殷後焉其分封以國為姓有殷氏宋氏空桐氏  
 雅氏北殷氏目夷氏韓非子昔者紂為象箸而箕子怖以  
 為象箸必不加於土劍必將犀玉之杯象箸玉杯必不羨菽藿

則必旄象豹胎必不衣短褐而食於茅屋之下旄象豹胎則錦衣九重廣室高臺吾畏其卒故怖其始居五年紂為肉圃設炮烙登糟丘臨酒池紂遂以亡故箕子見象箸以知天下之禍

論語比考識殷惑妲己玉馬走宋均曰女妲己有美色也玉馬喻賢臣奔去也任昉賡云玉馬駿奔微子告去

周本紀西周文王在位五十年武王七年成王三十七年康王二十六年昭王五十二年穆王五十五年共三十七年懿王二十五年孝王十五年夷王十六年厲王四十年宣王四十六年幽王十一年西周自武王有天下已卯共十二主三百二十三年東周為春秋平王五十二年桓王二十三年莊王十五年釐王五年惠王二十五年襄王三十二年頃王六年匡王六年定王二十一年簡王十四年靈王二十七年景王二十五年悼王一年敬王四十二年元王六年貞定王二十一年哀王立三月思王立五月考王十五年又東周為戰國威烈王二十四年安王二十六年烈王七年顯王四十八年慎覬王六年赧王五十九年東周自平王辛未共二十五王合五百二十九年自武王已卯至大明戊申共二千四百九十一年

周后稷名棄其母有郤氏女曰姜嫄為帝嚳元妃姜嫄出野見巨人跡心欣然說欲踐之踐之而身動如孕者居期而生子以為不祥初欲棄之因名曰棄棄為兒時屹如巨人之志其遊戲好種樹麻菽麻菽美及為成人遂好耕農相地之宜宜穀者稼穡焉帝堯聞之舉棄為農師帝舜曰爾后稷播時百穀封棄於郟號曰后稷別姓姬氏后稷之興在陶唐虞夏之際皆有令德后稷卒子不窋立楊慎曰嘗見呂梁碑所載后稷生台壘台壘生叔均叔均而下數世始至不窋不窋下傳季歷十有七世而太史公作周紀拘於國語十有五王之說乃合二人為一人又刪縮數人以合十五之數不知國語之說十五王皆指其賢而有聞者非謂后稷至武王千餘季而止十五世太史公亦迂哉不窋末年夏后氏政衰去稷不務不窋以失其官而犇戎狄之間不窋卒子鞠立鞠卒子公劉立公劉雖在戎狄之間復修后稷之業務耕種行地

宜自漆沮度渭取材用行者有資居者有畜積民賴其慶百姓  
 懷之多徙而依歸焉周道之興自此始故詩人歌樂思其德公  
 劉卒子慶節立國於豳慶節卒子皇僕立皇僕卒子差弗立差  
 弗卒子毀隃立毀隃卒子公非立公非卒子高圉立高圉卒子  
 亞圉立亞圉卒子公叔祖類公叔祖類卒子古公亶父立古公  
 亶父復修后稷公劉之業積德行義國人皆戴之熏育戎狄攻  
 之欲得財物予之已復攻欲得地與民民皆怒欲戰古公曰有  
 民立君將以利之今戎狄所為攻戰以吾地與民民之在我與  
 其在彼何異民欲以我故戰殺人父子而君之予不忍為乃與  
 私屬遂去豳渡漆沮踰梁山止於岐山豳人舉國扶老攜弱盡  
 復歸古公于岐山及他旁國聞古公仁亦多歸之於是古公乃

貶戎狄之俗而營築城郭室屋而邑別居之作五官有司

禮記天子

之五官曰司徒司馬司土司寇典司五衆鄭玄曰此殷時制

民皆歌樂之頌其德古公有長

子曰太伯次曰虞仲太姜生少子季歷季歷娶太任皆賢嬪人

生昌有聖瑞尚書帝命驗云季秋之月甲子赤爵銜丹書入于

勝欲者從欲勝義者凶凡事不强則枉不敬則不正枉者廢

滅敵者萬世以仁得之以仁守之其量百世以不仁得之以仁

守之其量十世以不仁得之古公曰我世當有興者其在昌乎長

子泰伯虞仲知古公欲立季歷以傳昌乃二人亡如荆蠻文身

斷髮以讓季歷古公卒季歷立是為公季公季修古公遺道篤

於行義諸侯順之公季卒子昌立是為西伯西伯曰文王

維書靈聰

篤仁敬老慈少禮下賢者日中不暇食以待士士以此多歸之

云蒼帝姬昌日角鳥鼻高長有八尺二寸聖智慈理

遵后稷公劉之業則古公公季之法

伯夷叔齊在孤竹聞西伯善養老盡往歸之太顛閎夭散宜生

鬻子辛甲大夫之徒皆往歸之劉向別錄曰鬻子名熊封於楚辛甲故殷之臣事紂蓋七十五

諫而不聽去至周召公與語賢之告文王文王親自迎之以為公卿封長子晉胥臣曰文王之即位也詢于八虞而咨于二魏

度於閎夭而謀於南宮誣於蔡原而訪于辛尹重之以周召畢榮億寧百神而柔萬民故詩曰惠于宗公神罔時恫

崇侯虎諧西伯於殷紂曰西伯積善諸侯皆嚮之將不利於帝帝

紂乃囚西伯於羑里閎夭之徒患之乃求有莘氏姜女驪戎之

文馬有熊九駟他奇怪物因殷嬖臣費仲而獻之紂紂大說曰

此一物足以釋西伯况其多乎乃赦西伯賜之弓矢斧鉞使西

伯得專征伐曰諧西伯者崇侯虎也西伯乃獻洛西之地以請

紂去炮烙之刑紂許之西伯陰行善諸侯皆來決平於是虞芮

之人有獄不能決乃如周入界耕者皆讓畔民俗皆讓長虞芮

之人未見西伯皆慙相謂曰吾所爭周人所耻何往為祗取辱

耳遂還俱讓而去諸侯聞之曰西伯蓋受命之君明年伐犬戎

明年伐密須明年敗耆國殷之祖伊聞之懼以告紂紂曰不有

天命乎是何能為明年伐邠明年伐崇侯虎而作豐邑自岐下

而徙都豐明年西伯崩太子發立為武王西伯蓋即位五十年

其囚羑里益易之八卦為六十四卦詩人道西伯蓋受命之年

稱王而斷虞芮之訟後十年而崩大紀西伯寢疾命謂世子曰

處此三者道之所以止也世子再拜受教西伯薨葬于畢

武王即位正誼謚法經緯天地曰文

克定禍亂曰武太公望為師周公旦為輔召公畢公之徒左右王師修

文王緒業九年武王上祭于畢東觀兵至于盟津為文王木主

司馬司徒司空諸節齊栗信哉予無知以先祖有德臣小子受  
 先功畢立賞罰以定其功遂興師師尚父號曰總爾眾庶與爾  
 舟楫後至者斬武王渡河中流白魚躍入王舟中武王俯取以  
 祭既渡有火自上復于下至于王屋流為鳥其色赤其聲魄云  
 是時諸侯不期而會盟津者八百諸侯諸侯皆曰紂可伐矣武  
 王曰女未知天命未可也乃還師歸居二年聞紂昏亂暴虐滋  
 甚二月甲子昧爽徐廣曰一作正此建丑之月殷之正月周武  
 王朝至于商郊牧野乃誓武王左杖黃鉞右秉白旄以麾曰遠  
 矣西土之人武王曰嗟我有國家君司徒司馬司空亞旅師氏  
 千夫長百夫長及庸蜀羌髡微瀘彭濮人孔安國曰八國皆蠻  
髡微在巴蜀瀘彭在西北庸濮在江漢之稱爾戈比爾干立爾

予予其誓王曰古人有言牝雞無晨惟家之索今殷王紂維婦  
 人言是用自棄其先祖肆祀不答昏棄其家國遺其王父母弟  
 不迪乃維四方之多罪逋逃是崇是長是信是使俾暴虐于百  
 姓以姦執于商國今予發維恭行天之罰今日之事不過六步  
 七步乃止齊焉夫子勉哉不過於四伐五伐六伐七伐乃止齊  
 焉勉哉夫子尚桓桓如虎如貔如熊如羆于商郊不禦克犇以  
 後西土勉哉夫子爾所不勉其予爾身有戮誓已諸侯兵會者  
 車四千乘陳師牧野帝紂聞武王來亦發兵七十萬人距武王  
 武王使師尚父與百夫致師以大卒馳紂師紂師雖眾皆無戰  
 之心欲武王亟入紂師皆倒兵以戰以開武王武王馳之紂兵  
 皆崩畔紂紂反入登于鹿臺之上蒙衣其玉珠周書云甲子  
夕紂取天智

王琰五環身以自焚注天智王之善者縫環其身自厚也自燔于火而死其明日除道脩社

及商紂宮及期百夫荷罕旗以先驅武王弟叔振鐸奉陳常車

周公旦把大鉞畢公把小鉞以夾武王散宜生太顛閎夭皆執

劍以衛武王既入立于社南大卒之左右畢從毛叔鄭奉明水

衛康叔封布茲茲者籍席之名諸侯病曰負茲召公奭贊采贊佐采幣師尚父牽牲

尹佚筮祝曰殷之末孫季紂殄廢先王明德侮蔑神祇不祀昏

暴商邑百姓其章顯聞于天上帝於是武王再拜稽首膺受

大命革殷受天明命武王又再拜稽首乃出 **書大傳**武王

與紂戰于牧之野紂之卒輻分紂之車瓦裂紂之甲魚鱗下賀

乎武王紂死武王皇皇若天下之未定召太公而問曰入殷柰

何太公曰臣聞之也愛人者兼其屋上之烏不愛人者及其草

餘耳一作胥鄭氏曰耳餘里落之壁說苑作餘胥何如武王曰不可召公趨而進曰臣

聞之也有罪者殺無罪者活咸劉厥敵毋使有餘烈何如武王

曰不可周公趨而進曰臣聞之也各安其宅各田其田毋故母

私惟仁之親何如武王曠乎若天下之已定乃罷兵西歸行狩

記政事作武成封諸侯班賜宗彝作分殷之器物武王追思先

聖王乃褒封神農之後於焦黃帝之後於祝帝堯之後於顓帝

舜之後於陳大禹之後於杞於是封功臣謀士而師尚父為首

封封尚父於營丘曰齊封弟周公旦曲阜曰魯封召公奭於燕

封弟叔鮮於管弟叔度於蔡餘各以次受封武王徵九牧之君

登函之阜以望商邑武王至於周自夜不寐周公旦即王所曰

曷為不寐王曰告女維天不饗殷自發未生於今六十年麋鹿

在牧蜚鴻滿野

隨巢子作夷羊在牧飛拾滿野注夷羊怪物飛拾虫也

天不享殷乃今有

成維天建設其登名民三百六十夫不顯亦不賓滅以至今我

未定天保何暇寐王曰定天保依天室悉求夫惡貶從殷王受

日夜勞來我西土我維顯服及德方明自洛汭延于伊汭居易

毋固其有夏之居我南望三途北望嶽鄙顧詹有河粵詹維伊

母遠天室營周居於維邑而後去縱馬於華山之陽放牛於挑

林之虛偃干戈振兵釋旅示天下不復用也

逸周書周公正三統之義作周月維

一月既南至昏昴畢見日短極基賤長微陽動于黃泉陰降慘

于萬物是月斗柄建子始昏北指陽氣虧草木不萌蕩日月俱

起于牽牛之初右回而行月周天起一次而與日合宿日行

月一次而周天歷舍于十有二辰終則復始是謂日月權輿

大紀祀於大廟始定事先之禮諱名立謚賤不誅貴幼不誅

長唯天子稱天以誅之諸侯不得相誅追王古公亶父曰大王

周書謚法解曰周公啓制文王之謚

季歷曰王季文考曰文王

義以垂于後作謚法謚法維周公旦

太公望開嗣王業建功于牧之野終將葬乃制謚遂敘謚法謚

者行之迹也號者功之表也車服者位之章也是以大行受大

名細行受小名行大戴禮武王踐作三日召士大夫而問

馬曰惡有藏之約行之行萬世可以為子孫恒者乎諸大夫對

曰未得聞也然後召師尚父而問馬曰黃帝顓頊之道有乎意

亦忽不可得見與師尚父曰在丹書王欲聞之則齊矣三日王

端冕師尚父亦端冕奉書而入負屏而立王下堂南面而立師

尚父曰先王之道不北面王行西折而南東面而立師尚父西

面道丹書之言曰敬勝怠者吉怠勝敬者滅義勝欲者從欲勝

義者凶凡事不強則枉弗敬則不正枉者滅廢敬者萬世藏之

約行之行可以為子孫恒者此之謂也王聞書之言惕若恐懼

退而爲戒席前左端之銘曰安樂必敬前右端之銘曰無行可  
悔後左端之銘曰一反一側亦不可以忘後右端之銘曰所監  
不遠視爾所代機之銘曰皇皇惟敬口生咥口戕口鑑之銘曰  
見爾前慮爾後盥盤之銘曰與其溺於人也寧溺於淵溺於淵  
猶可游也溺於人不可救也楹之銘曰毋曰胡殘其禍將然毋  
曰胡害其禍將大毋曰胡傷其禍將長杖之銘曰惡乎危於忿  
寔惡乎失道於嗜慾惡乎相忘於富貴帶之銘曰火滅修容慎  
戒必恭恭則壽履屨之銘曰慎之勞勞則富觴豆之銘曰食自  
杖戒之憍憍則逝戶之銘曰夫名難得而易失無懃弗志而曰  
我知之乎無懃弗及而曰我杖之乎擾阻以泥之若風將至必  
先搖搖雖有聖人不能爲謀也牖之銘曰隨天之時以地之財

敬祀皇天敬以先時劍之銘帶之以爲服動必行德行德則興  
倍德則崩弓之銘屈伸之義廢興之行無忘自過矛之銘曰造  
矛造矛少間弗忍終身之羞予一人所聞以戒後世子孫武王  
已克殷後二年問箕子殷所以亡箕子不忍言殷惡以存亡國  
宜告武王亦醜故問以天道武王病天下未集羣公懼穆卜周  
公乃板齋欲代武王武王有瘳後而崩

太子誦代立

是爲成王王少周初定天下周公恐諸侯畔周公乃攝行政當  
國管叔蔡叔羣弟疑周公與武庚作亂畔周公奉成王命伐誅  
武庚管叔放蔡叔以微子開代殷後國於宋頗收殷餘以封武  
王少弟封爲衛康叔晉唐叔得嘉穀獻之成王成王以歸周公  
于兵所周公受禾東土魯天子之命

尚書序云旅  
天子之命

家語武



王崩成王年十有三而嗣立周公居冢宰攝以治天下明年夏六月既葬冠成王而朝于祖以見諸侯周公命祝雍作頌曰祝王達而未幼祝雍辭曰使王近於民遠於年齋於時惠於財親賢而任能其頌曰令月吉日王始加元服去王幼志服袞職欽若昊天六合是式率爾祖考永永無極孟懿子曰天子未冠即位者王世子雖幼其即位則遵為人君人君治成人之事者何冠之有初管蔡畔周周公討之三年而畢定故初作大誥次作微子之命次歸禾次嘉禾次康誥酒誥梓材其事在周公之篇周公行政七年成王長周公反政成王北面就群臣之位成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均作召誥洛誥成王既遷殷遺民周公以王命告作多士無

佚召公為保周公為師東伐淮夷殘奄遷其君薄姑成王自奄

歸在宗周作多方既紕殷命襲淮夷歸在豐作周官興禮樂度

制於是改民頌聲興尚書中候云周公歸政于成王天下太平制禮作樂鳳凰翔庭成王援琴而歌曰鳳

凰翔兮于紫庭余何德兮以成靈賴先王兮恩澤臻于胥樂兮民以寧賈子成王曰寡人聞

之聖王在上位使民富且壽云若夫富則可為也若夫壽則不

在天乎粥子對曰唯疑請以上世之政詔於君王政曰聖王在

上位則天下無軍兵之事故諸侯不私相攻而民不私相鬪閱

不私相斂也故聖王在上位則民免於一死而得一生矣聖王

在上則君積於道而吏積於德而民積於用力故婦人為其所

衣丈夫為其所食則民無凍餒矣故聖王在上則民免於二死

而得二生矣聖王在上則君積於仁而吏積於愛而民積於順

則刑罰廢矣而民無天過之誅故聖王在上則民免於三死而得三生矣聖王在上則使民有時而用之有節則民無厲疾故聖王在上而民免於四死而得四生矣

淮南子成王問政

於尹佚曰吾何德之行而民親其上對曰使之時而敬順之王曰其度安在曰如臨深淵如履薄冰王曰懼哉王人乎尹佚曰天地之間四海之內善之則吾畜也不善則吾讎也

成王既

伐東夷息慎來賀王賜榮伯作賄息慎之命成王將崩懼太子釗之不任乃命召公畢公率諸侯以相太子而立之成王既崩二公率諸侯以太子釗見於先王廟申告以文王武王之所以為王業之不易務在節儉毋多欲以篤信臨之作顧命

太子釗遂立是為康王康王即位偏告諸侯宣告以文武之

業以申之作康誥

呂氏曰堯舜禹湯文武無顧命而成王獨有

經三監之變王室幾搖故於此正其終始特詳焉顧命成王所以正其終康王之誥康王所以正其始舜除堯之喪格廟而咨岳牧成王除武王之喪朝廟而訪羣臣皆百代之正禮然成湯方設伊尹適借羣后侯甸訓太甲馬禮固有時而變矣說者不疑太甲受伊尹羣后之訓于居憂之時乃疑康王受召畢諸侯之戒于宅恤之日甚者或以晉辭諸侯為證然則隆周之元老反不若衰晉之陪臣耶朱子曰天子諸侯之禮與士庶人不同故孟子有吾未之學之語蓋謂此類耳知伊訓元祀十二月朔亦新喪也伊尹亦祠于先王奉嗣王祗見厥祖固不可用凶服矣漢唐新主即位皆行冊禮君臣亦皆吉服追述先帝之命以告嗣君蓋易世傳授國之大事當嚴其禮而王侯以國為家雖先君之喪猶以為已私服也五代以來此禮不講則始終之際殊草矣故成康之際天下安寧刑錯四十餘年不用康王命作策畢公分居里成周郊

孔安國曰分別民之居里異其善惡也成定東周郊境使有保護也作畀命

子昭王瑕立昭王之時王道微缺昭王南巡狩不返

卒于江上

世紀昭王南反濟漢漢濱之人以膠膠

其卒不赴告

諱之也

周書記異庚戌二十二年釋氏生

立昭

王子滿是為穆王穆王即位春秋已五十年王道衰微穆王閔

文武之道缺乃命伯冢申誡太僕國之政作冢命列子周穆王時西極之國

有化人來入水火貫金石既已變物之形又且易人之宮王以為清都紫微鈞天廣樂帝之所居自以居數十年不思其國也化人復謁王同游所及之處仰不見日月俯不見河海光影所照王目眩不能得視音響所來王耳亂不能得聽百骸六藏悸而不凝意迷精喪請化人求還化人移之王若碩虛馬既寤所坐猶嚮者之處侍御猶嚮者之人視其前則酒未清肴未晞王問所從來左右曰王默存耳由此穆王自失者三月而復更問化人化人曰吾與王神游也形奚動哉且曩之所居奚異王之宮曩之所游奚異王之圃王問謂疑覺亡變化之極徐疾之間可盡摸哉王大悅不恤國事不樂臣妾肆意遠遊命駕八駿之遊右服靑駟而左綠耳右騶赤驥而左白紫結義主車則造父為御商屠醯泰為右次車之乘右服渠黃而左踰輪左騶盜驪而右山子柏天子車參伯為御奔戎為右馳驅千里至于巨蒐氏之國巨蒐氏乃獻白鵠之血以飲王遂賓于西王母觴于瑤池之上觀

於樂後世其追數穆王將征犬戎祭公謀父諫曰不可先王耀

吾過乎反還以歸德不觀兵夫兵戢而時動動則威觀則玩玩則無震是故先王

非務武也勤恤民隱而除其害也夫先王之制邦內甸服邦外

侯服侯衛賓服夷蠻要服戎翟荒服甸服者祭侯服者祀賓服

者享要服者王日祭月祀時享歲貢終王先王之訓也有不

祭則修意有不祀則修言有不享則修文有不貢則修名有不

王則修德序成而有不至則修刑於是有刑不祭伐不祀征不

享讓不貢告不王於是有刑罰之辟有攻伐之兵有征討之備

有威讓之命有文告之辭布令陳辭而有不至則增修於德無

勤民於遠是以近無不聽遠無不服今自大畢伯士之終也犬

戎氏以其職來王天子曰予必以不享征之且觀之兵無乃廢

先王之訓而王幾頓乎遂征之自是荒服者不至諸侯有不睦者甫侯言於王作修刑辟王曰吁來有邦有土告爾祥刑在今

爾安百姓何擇非人何敬非刑何度非及何所當擇豈非司獄之人乎何所當謹豈

非用刑之際乎何所當審豈非連及之人乎兩造具備師聽五辭五辭簡孚正于五

刑五刑不簡正于五罰五罰不服正於五過五過之疵惟官惟

反惟內惟貨惟求其罪維均其審克之五辭麗于五刑之獄辭簡者核其實孚者無所

疑正猶漢書所謂當五罰即五贖于五刑而不應其實者五刑

之疑者也則當于五罰以贖而不服者則五罰之疑者也故又

當于五過以實之然五過之法公也其為之病者則私也私者

或以權勢或以報私或以婚姻女謁或以貨賄交通或以求干

請託以是五者而廢法以出人之罪則治獄者與之同罪審者盡其心克者盡其力五刑之疑有赦五罰

之疑有赦其審克之簡孚有衆惟貌有稽無間不聽其嚴天威

簡孚有罪即師聽五辭之謂惟貌有稽此簡孚之術小司寇所

謂色聽氣聽耳聽目聽者也至於不經罪人之簡核則上之人

不可不以聰斷蓋天威甚近而墨辟疑赦其罰百鍰閱實其罪剝

辟疑赦其罰惟倍閱實其罪剝辟疑赦其罰倍差閱實其罪宮

辟疑赦其罰六百鍰閱實其罪大辟疑赦其罰千鍰閱實其罪

墨罰之屬千剝罰之屬五百宮罰之屬三百大辟

之罰其屬二百此五刑之數也罰以黃鐵即今銅也六兩曰鍰

又差為五百按周禮五辟之屬皆五百而此墨剝之屬各千宮

減于舊二百大辟減于舊三百輕刑雖增而重刑則減矣然則

穆王非獨制為贖刑之法矣五刑之屬三千上下比臯無僭亂辭勿

用不行惟察惟法其審克之上刑適輕下服下刑適重上服此

用五刑之宜輕重之罰有權刑罰世輕世重惟齊非齊有倫有要此

權所論五罰之權大抵情法時也參差不齊楚右尹子革曰昔

穆王欲肆其心周行天下皆將必有車轍馬跡焉祭公謀父作

刑人集卷一

祈招之詩以止王心王以是獲沒於祗宮其詩曰祈招之憯憯式昭德音思我王度式如玉式如金刑民之力而無醉飽之心

逸周書穆王思保位為難恐貽世羞欲自警寤作史記乃

取遂事之要戒俾戎夫言之信不行義不立則哲士陵君政禁而生亂皮氏以亡古謂諂諛日近方正日遠則邪人專國政禁

而生亂華氏以亡嬖子兩重者亡昔義渠氏有兩子異母皆重

君病大臣分黨而爭義渠以亡功大不賞者危昔平州之功大

而不賞諂臣日賞貴功日怒而生變平州之君以走出業刑而

慢者危昔穀平之君慢類無親破國弗尅業刑用國類戾也國勝破以刑

所立智士寒心徙居至于獨鹿諸侯叛之阪泉以亡恨而無親

者亡昔者縣宗之君恨而無聽不納忠言宗職者疑羣臣解體國無

立功縣宗以亡美文破國昔者續陽強力四征重丘貽之美女

續陽之君悅之熒惑不治大臣爭權遠近不相聽國分為二宮

室破國昔者有雒氏宮室無常池園廣大工巧日進以後更前

民不得休成陽伐之有洛以亡子共王繫危立共王

游於涇上密康公從有三女辨之其母曰必致之王康公不獻

一年共王滅密子懿王難立懿王之時王室遂衰詩

人作刺按懿王自錫徙都犬丘一云廢丘今槐里是也共王弟辟方立是為

孝王大紀孝王之世大封非子為附庸邑之秦世家惡來革者

曰女防女防生旁鼻旁鼻生太凡凡生大駱大駱生非子以造父之寵皆蒙趙城為氏非子居犬丘好馬善養息之犬丘人言駱適嗣申侯之女為大駱妻生子成為適申侯乃言孝王曰昔

我允驪山之女為戎胥軒妻生中河以親故歸周保西垂西垂  
 以其故和陸今我復與大駱妻生適子成申駱重昏西戎皆服  
 所以為王王其圖之於是孝王曰昔柏翁為舜主畜畜多息故  
 有土賜姓贏令其後世亦為朕息馬朕其分土為附庸邑之秦  
 使復績嬴氏祀號曰秦嬴亦不廢諸侯復立懿王大子燮是夷  
 申侯之女子為駱適者以和西戎

禮觀禮天子不下堂而見諸侯下堂而見諸侯天

子之失禮也自夷王以下 楚子熊渠伐庸楊粵至于鄂

周文王之時祝融之孫季連苗裔曰鬻熊事文王其子熊麗生  
 熊任在生熊繹當周成王時舉文武勤勞之後嗣而封熊  
 繹於楚蠻封以子男之田姓芊氏居丹陽楚子熊繹與魯公伯  
 禽商康叔子牟晉侯燮太公子呂叔俱事成王熊繹生熊艾艾  
 生熊黹黹生熊勝勝以弟揚為後熊揚生熊渠渠生子三人當  
 周夷王之時王室微諸侯或不朝相伐熊渠甚得江漢間民和  
 乃與兵伐庸楊粵至于鄂熊渠曰我蠻夷也不與中國之號謚  
 乃立其長子康為句亶王中子紅為鄂王少子執應為越章王  
 皆在江上

子厲王胡立厲王即位三十年好利近榮

夷公大夫芮良夫諫曰王室其將卑乎夫榮公好專利而不知

大難夫利百物之所生也天地之所載也而或專之其害多矣  
 天地百物皆將取焉何可專也所怒甚多而不備大難以是教  
 王王其能久乎夫工人者將導利而布之上下者也使神人百  
 物無不得極猶日怵惕懼怨之來也故頌曰思文后稷克配彼  
 天立我蒸民莫匪爾極大雅曰陳錫載周是不布利而懼難乎  
 故能載周以至于今今王學專利其可乎匹夫專利猶謂之盜  
 王而行之其歸鮮矣榮公若用周必敗也厲王不聽卒以榮公  
 為卿士用事王行暴虐侈傲國人謗王召公諫曰民不堪命矣  
 王怒得衛巫使監謗者以告則殺之其謗鮮矣諸侯不朝三十  
 四年王益嚴國人莫敢言道路以目厲王喜告召公曰吾能弭  
 謗矣乃不敢言召公曰是鄣之也防民之口甚於防川川壅而

濟傷人必多民亦如之是故為川者決之使道為民者宣之使  
 言故天子聽政使公卿至于列士獻詩瞽獻典史獻書師箴瞽  
 賦矇誦百工諫庶人傳語近臣盡規親戚補察瞽史教誨耆艾  
 修之而後王斟酌焉是以事行而不悖不聽於是國莫敢出言  
 三年乃相與畔襲厲王厲王出奔於彘厲王太子靜匿召公之  
 冢國人聞之乃圍之召公曰昔吾驟諫王王不從以及此難也  
 今殺王太子王其以我為讎而懟怒乎夫事君者險而不懟怨  
 而不怒况事王乎乃以其子代王太子太子竟得脫召公周公  
 二相行政號曰共和太子靜長於召公冢二相乃共立之  
和即于王位魯連子共伯名和好行仁義諸侯賢之厲王無道  
 國人作難王奔于彘諸侯奉和以行天子事號曰共和元年莊  
 子云許由虞乎頽陽而共伯得乎共首司馬彪註十四年大旱  
 厲舍俱焚卜曰厲王為祟共伯使諸侯立子靖為宣王共伯復

歸國于衛和有至德尊之不喜廢  
之不怒道遠得志於共山之首  
 是為宣王二相輔

之脩政法文武成康之遺風諸侯復宗周甲戌元年以尹吉甫

為將北伐玁狁至于太原三年以方叔為將南征荆蠻命召虎

征淮夷王伐淮徐  
其詳俱見詩  
 六年大旱仍叔作雲漢詩以美之秦

仲伐西戎死之王命其子莊伐戎破之  
秦紀曰西戎殺秦仲秦仲立二十三年死於戎

有子五人其長者曰莊公周宣王乃召莊公昆弟五人與兵七  
 千使伐西戎破之於是復予秦仲後及其先大駱地犬丘并有  
 之為西垂大夫莊公居其故西犬丘  
 國語魯武公以括與戲見王王立戲樊

仲山甫諫曰不可立也不順必犯犯王命必誅故出令不可不

順也王卒立之十二年宣王不籍千畝虢文公諫曰不可夫民

之大事在農上帝之粢盛於是乎出民之蕃庶於是乎在和協

輯睦於是乎興財用蕃殖於是乎始敦龐純固於是乎成是故

稷為大官古者太史順時視土陽瘳憤盈土氣震發農祥晨正  
 日月底於天廟土乃脉發先時九日太史告稷曰自今至于初  
 吉陽氣俱孫土膏其動弗震弗渝脉其滿青穀乃不殖稷以告  
 王曰史帥陽官以命我司事曰距今九日土其俱動王其祗祓  
 監農不易王乃使司徒咸戒公卿百吏庶民司空除壇于籍命  
 農大夫咸戒農用先時五日瞽告有協風至王即齊宮百官御  
 事各即其齊三日王乃淳濯饗醴及期鬱人薦鬯犧人薦醴王  
 裸鬯饗醴乃行百吏庶民畢從及籍后稷監之膳夫農正陳籍  
 禮太史贊王王敬從之王耕一墾班三之庶人終于千畝其后  
 稷省功大史監之司徒省民大師監之畢宰夫陳饗膳宰監之  
 膳夫贊王王歆大牢班嘗之庶人終食是日也瞽帥音官以省

風土廩于籍東南鍾而藏之而時布于農

潘岳籍田賦使甸帥清畿野廬掃路封人

遺宮掌舍設極青壇蔚其嶽立芳翠幕黜以雲布葱嶺宿服于縹  
 軛兮緝轅綴於黛相右妃獻種稂之種司農撰播殖之器挈壺  
 掌升降之節宮正設門問之蹕二十有二年王后姜氏諫王  
 列女傳曰周宣姜禮不言行非禮不動宣王嘗早卧而晏起后夫人不出於房姜  
 后既出乃脫替珥待罪於永巷使其傅母通言於王曰妾不才  
 妾之淫心見矣至使君王失禮而晏朝以見君王之樂邑而忘  
 德也亂之興從婢子起婢子生亂當服其事敢請婢子之罪唯  
 君王之命王曰寡人不德寔自生  
 國語宣王欲得國子之

能導訓諸侯者樊穆仲曰魯侯孝王曰何以知之對曰肅恭明  
 神而敬事者老賦事行刑必問於遺訓而咨於故實不干所問  
 不犯所咨王曰然則能訓治其民矣乃命魯孝公於夷宮四十  
 年宣王既喪南國之師乃料民於太原仲山甫諫曰民不可料  
 也夫古者不料民而知其多少司民協孤終司商協民姓司徒



協旅司寇協姦牧協職工協草場協入廩協出是則少多死生  
出入往來皆可知也於是又審之以事王治農于籍按于農隙  
彌於既烝狩於畢時是皆習民數者也又何料焉

幽王宮涅立幽王二年西周三川皆震此時以王城為東周鎬京為西周三川涇渭洛

也伯陽甫唐固曰周柱下史老子曰周將亡矣是歲也三川竭岐山崩史

錄曰周幽王伐有褒褒人以褒姒女焉褒姒有寵生伯服於是

平與虢石甫比逐太子宜臼而立伯服太子出奔甲申人繒人

召西戎以伐周周於是乎亡汲冢紀年自武王滅殷以至於幽王九二百五十七歲於是諸

侯乃即申侯而共立故幽王太子宜臼是為平王以

奉周祀平王立東遷于維邑辟戎寇平王之時周室衰微諸侯

遷奔務齊楚秦晉始大政由方伯國語鄭桓公為司徒甚

得周衆與東土之人問於史伯曰史伯周太史王室多故余懼及焉

其何所可以逃死對曰王室將卑戎狄必昌不可偏也當成周

者南有荆蠻中呂應鄧陳蔡隨唐荆蠻芊姓雷熊之後申呂姜姓應蔡隨唐皆姬姓鄧受姓

北有衛燕翟鮮虞路洛泉徐蒲衛燕皆姬姓翟北翟鮮虞姬姓路洛泉徐蒲皆隗姓西有

虞虢晉隗霍楊魏芮八國皆姬姓東有齊魯曹宋滕薛邠莒薛姪姓邠曹姓

莒已非是王之支子母弟甥舅也則皆蠻荆戎翟之人也非親

則頑不可入也其濟洛河潁之間乎是其子男之國虢鄆為大

虢叔恃勢鄆仲恃險皆有驕侈怠慢之心而加之以貪冒君若

以周難之故寄奴與賄焉不敢不許修典刑以守之唯是可以

少固公曰南方不可乎對曰夫荆子熊嚴生子四人伯霜中雪

叔熊季糾叔邈難於濮而蠻季糾是立遠氏將起之禍又不克

是天啓之心也又甚聰明和協蓋其先王臣聞之天之所啓十世不替夫其子孫必光啓土不可偏也且重黎之後也夫黎爲高辛氏火正以淳耀惇大天明地德光昭四海故命之曰祝融其功大矣夫成天地之大功者其子孫未嘗不章虞夏商周是也虞幕能聽協風以成樂物生者也幕舜之先所謂自幕至于夏禹能單平水土以品處庶類者也商契能和合五教以保于百姓者也周棄能播殖百穀疏以衣食民人者也其後皆爲王公侯伯祝融亦能昭顯天地之光明以生柔嘉材者也其後八姓于周末有侯伯佐制物於前代八姓祝融之後已董彭虎姪曹斟芊融之興者其在芊姓乎姜嬴荆芊實與諸姬代相干也姜伯夷之後也嬴伯翳之後也伯夷能禮於神以佐堯者也伯翳能議百物以佐舜者也其後皆不失祀而未有興者周衰其將至矣公曰若周衰其孰興對曰臣聞之武實昭文之功文之祚盡武其嗣乎武王之子應韓不在其在晉乎距險而隣於小若加之以德可以大啓公曰姜嬴其孰興對曰夫國大而有德者近興秦仲齊侯姜嬴之雋也且大其將興乎公說乃東寄孥與賄虢郟受之十邑皆有寄地幽王八年而桓公爲司徒九年而王室始騷十一年而斃及平王末而秦晉齊楚代興秦景襄於是乎取周土晉文侯於是乎定天子齊莊僖於是乎小伯楚蚡冒於是乎始啓濮四十有八年魯初請郊廟之禮

路史劉原父謂使魯郊者必周而非成王蓋平王以下固亦未之悉爾始魯惠公使宰讓請郊廟之禮於天子天子使角往止之其後在魯於是乎有墨翟之學魯之用郊正亦始於此矣夫惠公之止之則是周不與之矣不與而魯用郊自用之也昔者荆人請大號周人不許荆人稱之然則魯之郊禘可知矣

惠公之請由平王世也

四十九年魯隱公即位太子洩父蚤死立其子林

是為桓王平王孫也桓王三年鄭莊公朝桓王不禮

五年鄭怨與魯易許田許田天子之用事太山田也八年魯殺

隱公立桓公十三年伐鄭鄭射傷桓王子莊王侗立

莊王四年周公黑肩欲殺莊王而立王子克辛伯告王王殺周

公索隱左傳云初子儀有寵於桓王桓王屬諸周公辛伯諫曰並后正嫡兩政偁國亂之木也周公不從故及於難王

子克奔燕子釐王胡齊立釐王三年齊桓公始霸

子惠王閻立惠王二年初莊王嬖姬姚生子頹頹有寵

及惠王即位奪其大臣園以為園故大夫邊伯等五人作亂謀

召燕衛師伐惠王惠王奔温已居鄭之櫟立釐王弟頹為王樂

及衎舞鄭虢君怒四年鄭與虢君伐殺王頹復入惠王惠王十

年賜齊桓公為伯

子襄王鄭立襄王母蚤死後母曰

惠后惠后生叔帶惠王子襄王弟封於其故左傳稱其昭公有寵於惠王襄王畏之

三年叔帶與戎翟謀伐襄王襄王欲誅叔帶叔帶奔齊齊桓公

使管仲平戎于周使隰朋平戎于晉王以上卿禮管仲管仲辭

曰臣賤有司也有天子之二守國高在若節春秋來承王命何

以禮焉陪臣敢辭王曰舅氏余嘉乃勳毋逆朕命管仲卒受下

卿之禮而還九年齊桓公卒十二年叔帶復歸于周十三年鄭

伐滑王使游孫伯服請伐鄭鄭人囚之鄭文公怨惠王之入不

與厲公爵左傳云莊公二十一年王巡虢狩虢公為王宮于蚌王與之酒泉鄭伯之享王以右之鞶盞與之虢公

請器王與之爵鄭伯由是怨王也杜預云右鞶帶而以鏡為飾也爵飲酒器也蚌地酒泉周邑又怨襄王之與

衛滑滑姬姓將以翟女為后富辰諫曰不可夫婚姻禍福之階

也利內則福由之利外則取禍今王外利矣其無乃皆禍乎昔

擊疇之國也由大任擊疇二國任姓祀繒由大妣二國妣姓齊

許申呂由大姜四國姜姓陳由大姬陳姬姓舜後大是皆能內

利親親者也昔鄆之亡也由仲任鄆姬姓之國中任密須由伯

姁伯姁密須之女左密鄆由叔妘鄆妘姓叔妘同臯由鄭姬臯

王子聃季之國息由陳媯息姬姓陳女歸息侯蔡哀侯亦取于

鄭姬亦同姓是皆外利離親者也王不聽十六

年王紕翟后翟入來誅殺譚伯富辰曰吾數諫不從如是不出

王以我為對乎乃以其屬死之初惠后欲立王子帶故以黨開

翟人翟入遂入周襄王出奔鄭鄭居王于圮子帶立為王取襄

王所紕翟后與居溫十七年襄王告急于晉晉文公納王而誅

叔帶襄王乃賜晉文公珪鬯子矢為伯以河內地與晉文公既

定襄王于郊王勞之以地辭請隧焉王弗許曰昔我先王之有

天下也規方千里以為甸服以供上帝山川百神之祀以備百

姓兆民之用以待不庭不虞之患其餘以均分公侯伯子男使

各有寧宇以順及天地無逢其灾害先王豈有賴焉內官不過

九御外官不過九品足以供給神祇而已豈敢猷縱其耳目心

腹以亂百度亦唯是死生之服物采章以臨長百姓而輕重布

之王何異之有今天降禍灾於周室余一人僅亦守府又不佞

以勤叔父而班先王之天物以賞私德叔父實應且憎以非余

一人余一人豈敢有愛也二十年晉文公召襄王襄王會之河

陽踐土諸侯畢朝書諱曰天王狩于河陽二十四年晉文公卒

三十一 年秦穆公卒

子頃王壬臣立

子庄

王班立

弟瑜立是為定王定王元年楚莊王伐陸渾

之戎次洛使人問九鼎王使王孫滿應設以辭楚兵乃走五年

河徙西漢書王橫言往者天嘗連雨東北風海水溢西南出浸數百里九河之地已為海所漸矣禹之行河水本隨西山

七年王使單子聘於宋遂自陳

聘於楚周語單子歸告王曰陳侯不有大咎國必亡王曰何故對曰夫辰角見而雨畢天根見而水涸本見而草木節

解顯見而隕霜火見而清風戒寒故先王之教曰雨畢而除道

而各指營室之中上功其始火之初見期於司里此先王之所

以不用財賄而廣施德於天下者也今陳國火朝覲矣而道路

若塞野場若弃澤不設障川無舟梁是廢先王之教也周制有

之曰列樹以表道立郵食以守路國有郊牧置有寓望藪有圃

草園有林池所以禦災也其餘無非設土民無縣郭野無粵草

不奪民時不蔑民功有優無匱有逸無罷國有班事縣有序民

今陳國道路不可知田在草闕功成而不收民罷於逸樂是棄

先王之法制也周之秩官有之曰敵國賓至關尹以告行理以

節逆之侯人為迎卿出郊勞門尹除門宗執祀司里授館司

徒具徒司空視塗司寇詰姦虞人入財甸人積薪火師監燎水

師監濯膳宰致饗虞人獻饋司馬陳芻工人展車百官官以物

至賓入如歸是故小大莫不懷愛其貴國之賓至則以班加一

等益虔至於王使則皆官正泄事上卿監之若王巡狩則君親

監之今雖朝也才不有分族於周承王命以八年王使劉康公

聘于魯國語發幣於大夫季文子孟獻子皆儉叔孫宣子東門子家皆侈歸王問魯大夫孰賢對曰臣聞之為臣必臣

為君必君寬肅宣惠君也敬恪恭儉臣也寬所以保本也肅所

以濟時也宣所以教施也惠所以和民也若本固而功成施備

而民阜乃可以長保民矣其何事不徹敬所以承命也恪所以

守業也恭所以給事也儉所以足用也若承命不違守業不懈

寬於死而遠於憂則可以上下無隙矣其何任不堪上作事而

徹下能堪其任所以為令聞長世也今夫二子者儉儉其能足

用矣用足則族可以庇二子者侈侈則不恤匱匱而不恤憂必

及之若是則必廣其身且夫人臣而侈國家弗堪亡之道也

十有四年晉侯使隨會聘周定王饗之殺烝原公相禮范子私

今此何禮也王見其語也召原公而問之原公以告王召士季

曰子弗聞乎禘郊之事則有全烝王公立飲則有房烝親戚宴

今此何禮也王見其語也召原公而問之原公以告王召士季

享則有殺烝今女非它也而叔父使士季實來脩舊德以  
奚王室唯是先王之宴禮欲以貽女余一人敢設飫禘焉

子簡王夷立簡王十三年晉殺其君厲公迎子周於周立

為悼公

子靈王泄心立庚戌二十一年十一月庚子

孔子生

本姓解曰孔子之先宋之後也微子啓帝乙之元子紂  
之庶兄以圻內諸侯入為王卿士微國名子爵初武王  
克殷封紂之子武庚於朝歌武王崩而與三叔作難乃命微子  
為殷後國於宋其弟曰仲思名衍或名泄嗣微子之後號微仲  
生宋公稽乃稱公馬宋公生丁公申申生緡公共及襄公熙熙  
生弗父何及厲公方祀弗父何以下世為宋卿何生宋父周周  
生勝勝生正考甫考甫生孔父嘉五世親盡別為公族故後以  
孔氏為孔父生子本金父金父生暉暉有女之無子其妾生孟  
皮一字伯尼有足病於是求婚於顏氏微在既廟見以夫之年  
大懼不時有男而私禱尼丘之山 二十二年洛穀闞將毀王宮  
以祈焉生孔子故名丘字仲尼

王欲壅之太子晉諫壅之

逸周書晉平公使叔譽于周見

太子晉而與之言五稱而五窮師曠曰請使臆臣往師曠見太

子先稱曰古之君子其行可謂由舜而下其孰有廣德王子曰  
如舜者天舜盡其所以利天下奉翼一人皆得已仁此之謂天  
如禹者聖勞而不居則利天下好善取與與必度正是之謂聖  
如文王者其大道仁其小道惠三分天下而有其二敵人無方  
服事於商既有其衆而延夫其身此之謂仁如武王者義殺一  
人而以利天下異姓同姓各得其儀此之謂義師曠告善又稱  
曰宣辯名命王侯君公何以為尊何以為尚王子曰人生而文  
夫謂之胃子胃子成人能治上官謂之士士率衆時作謂之伯  
伯能移善於衆與百姓同謂之公公耐名物與天道俱謂之侯  
侯耐成羣謂之君君能廣德分任諸侯而敦信曰予一人善於  
四海曰天子達於四荒曰天王四荒皆至無有怨訾乃登為帝

師曠罄然王子曰且吾問汝人之年長短告也師曠對曰汝聲清汙汝色赤白火色不壽王子曰吾後二年上賓于帝所汝慎

無言族將及汝師曠歸未及三年告死者至靈王崩皇覽曰靈王在河

南城西南柏亭西周山上蓋以靈王生而子景王貴

三年吳子使札聘于魯請觀於周樂使工為之歌周南召南

怨矣為歌邶鄘衛曰美哉淵乎憂而不困者也吾聞衛康叔武

公之德如是其衛風乎為之歌王曰美哉思而不懼其周之

東乎為之歌鄭曰美哉其細已甚民弗堪也是其先亡乎為之

歌齊曰美哉泱泱乎大風也哉表東海者其太公乎國未可量

也為之歌也曰美哉蕩乎樂而不淫其周公之東乎為之歌秦

曰此之謂夏聲夫能夏則大大之至也其周之舊乎為之歌魏

唐曰思深哉其有陶唐氏之遺民乎不然何憂之遠也非令德

之後誰能若是為之歌陳曰國無主其能久乎自鄩以下無談

焉為之歌小雅曰美哉思而不貳怨而不言其周德之衰乎猶

有先王之遺民焉為之歌大雅曰廣哉熙熙乎曲而有直體其

文王之德乎為之歌頌曰至矣哉直而不佞曲而不屈邇而不

偏遠而不攜遷而不淫復而不厭哀而不愁樂而不荒用而不

匱廣而不宣施而不費取而不貪處而不底行而不流五聲和

八風平節有度守有序盛德之所同也見舞象簡南籥者曰美

哉猶有憾見舞大武者曰美哉周之盛也其若此乎見舞韶濩

者曰聖人之弘也而猶有慙德聖人之難也見舞大夏者曰美

哉勤而不德非禹其誰能脩之見舞韶箜者曰德至矣哉大矣

如天之無不憐也如地之無不載也雖其盛德

其茂以加於此矣觀止若有他樂吾不敢請已

二十一年將鑄

大錢單穆公曰不可古者天災降戾於是乎量資幣權輕重

以振救民民患輕則為之作重幣以行之於是乎有母權子而

行民皆得焉若不堪重則多輕而行之亦不廢重於是乎有子

權母而行小大利之今王廢輕而作重民失其資能無匱乎若

匱王用將有所乏之則將厚取於民民不給將有遠志是離民

也且夫備有未至而設之有至而後救之是不相入也可先而

不備謂之怠可後而先之謂之召災周固羸國也天不厭禍而

又離民以佐災無乃不可乎卒鑄大錢二十四年王將鑄無射而爲之大林單穆公曰作重幣以絕民資又鑄大鐘以鮮其繼耳之察蘇也在清濁之間其察清濁也不過一人之所勝是故先王之制鍾也大不出鈞重不過石律度量衡於是乎生小大器用於是乎出今王作鍾也聽之弗及比之不度鍾聲不可以知蘇制度不可以出節無益於樂而鮮民財將焉用之夫樂不過以聽耳而美不過以觀目若聽樂而震觀美而眩患莫甚焉夫耳目心之樞機也故必聽蘇而視正聽蘇則聰視正則明聰則言聰明則德昭聽言昭德則思慮純固以言德於民民歆而德之則歸心焉是以作無不濟求無不獲然後能樂王弗聽尚之伶州鳩對曰臣聞之琴瑟尚宮鍾尚羽石尚角匏竹利制

大不踰宮細不過羽夫宮音之主也第以及羽聖人保樂以愛財財以備器樂以殖財故樂器重者從細輕者從大是以金尚羽石尚角瓦絲尚宮匏竹尚議革木一聲夫政象樂樂從蘇蘇從平聲以蘇樂律以平聲於是乎氣無滯陰亦無散陽陰陽序次風雨時至嘉生繁祉人民蘇利今細過其主妨於正用物過度妨於財正害財匱妨於樂細抑大陵不容於耳非蘇也聽聲越遠非平也夫有蘇平之聲則有蕃殖之財若夫匱財用罷民力以逞淫心聽之不蘇比之不度無益於教而離民怒神非臣之所聞也王不聽卒鑄大鐘

**左**冷州鳩曰王其以心疾死乎夫樂天子之職也夫音樂之興也而鍾音之器也天子省風以作樂器以鍾之興以行之小者不窳大者不擻則和於物物



和則嘉成故聲和入於耳而藏於心心億則樂窕則不成懌則

不容心是以感感實生疾今鍾櫛矣王心弗堪其能久乎景王

太子聖蚤卒愛子朝景子長欲立之會崩子丐之黨與爭立國

人立長子猛為王子朝攻殺猛猛為悼王晉人攻子

朝而立丐是為敬王敬王元年晉人入敬王子朝自

立敬王不得入居澤四年晉率諸侯入敬王子周左傳王子朝

武王克殷成王靖四方康王息民並建母弟以蕃屏周亦曰吾

無專享文武之功且為後人之迷敗傾覆而溺入于難則振救

之至于夷王王愆于厥身諸侯莫不並走其望以祈王身至于

厲王王心戾虐萬民弗忍居王于彘諸侯擇位以間王政宣王

有志而後效官至于幽王天不弔周王昏不若用愆厥位攜王

奸命諸侯替之而建王嗣用遷郊郟則是兄弟之能用功於王

室也至于惠王天不靖周生頹禍心施于叔帶惠襄辟難越去

王都則有晉鄭咸黜不端以綏定王家則是兄弟之能率先王

之命也在定王六年秦人降矢曰周其有頌王亦克能脩其職

諸侯報享二世共職王室其有間王位諸侯不圖而受其亂災

至于靈王生而有頌王甚神聖無惡於諸侯靈王景王克終其

世今王室亂單旗劉狄剝亂天下一行不若謂先王何常之有

唯余心所命其誰敢討之帥羣不弔之人以行亂于王室侵欲

無厭規求無度貫瀆鬼神慢棄刑法倍奸齊盟傲狠威儀矯誣

先王晉為不道是攝是贊思肆其罔極茲不穀震盪播越寘在

荆蠻未有攸底若我一二兄弟甥舅獎順天法無助狡猾以從

先王之命母速天罰救圖不穀則所願也敢盡布其腹心及先

王之經而諸侯實深圖之昔先王之命也王后無適則擇立長

年鈞以德德鈞以卜王不立愛公卿無私古之制也穆后及太

子壽蚤夭即世單劉贊私立少以間先王亦唯伯仲叔季圖之

子朝為臣諸侯成周十六年子朝之徒復作亂敬王奔于晉十

七年晉定公遂入敬王于周四十九年孔子卒子元

王仁立子介立是為貞定王大事記史記作定王介

王經世稽古錄並作貞定王今從稽古錄記子去疾立為哀王弟叔襲之

為思王弟寇攻之為考王子威烈王午立

考王封其弟于河南世紀考哲王封弟揭於以續周公之官職

桓公卒子威公代立威公卒 子惠公代立乃封其少子於鞏

郭緣生述征記鞏縣周地鞏伯邑 威烈王二十三年九鼎震初命韓趙魏為諸

侯 子安王驕立 子烈王喜立烈王二年周

太史儋見秦獻公曰始周與秦國合而別別五百載復合合十

七歲而霸王者出焉 弟扁立是為顯王顯王五年賀

秦獻公獻公稱伯九年致文武胙於秦孝公二十五年秦會諸

侯於周二十六年周致伯於秦孝公三十三年賀秦惠王三十

五年致文武胙於秦惠王四十四年秦惠王稱王其後諸侯皆

為王 子慎靚王定立 子赧王延立王赧時

東西分治 吳澄曰敬王四年子朝奔楚王雖返國然以子朝餘

其弟揭于王城以續周公之官職是為周桓公自此以後東周

之少子班又別封於鞏以奉王是為東周惠公父子同謚以鞏

與成周皆在王城之東故班之兄則獨 襲父爵居於王城是

為西周武公以王城在城周之西 世家 楚頃襄王欲與齊

韓連和伐秦欲因圖周周王赧使武公謂楚相昭子曰 定王曾

子惠公 軍不五不攻城不十不圍夫一周二十四晉公之所知也

韓嘗以二十萬之衆辱於晉之城下銳士死中士傷而晉不拔

公之無百韓以圖周此天下之所知也西周之地絕長補短不

過百里名天下共主裂其地不足以肥國得其衆不足以勁兵

雖無攻之名為殺君然而好事之君喜攻之臣發號用兵未嘗

不以周為終始是何也見祭器在焉欲器之至而忘弑君之亂

今韓以器之在楚臣恐天下以器讐楚也臣請譬之夫虎肉臊

其兵利身人猶攻之也若使澤中之麋蒙虎之皮人之攻之必

萬之於虎裂楚之地足以肥國誣楚之名足以尊主今子將以  
 欲誅殘天下之共主居三代之傳器吞三翻六翼以高世主非  
 貪而何周書曰欲起無先故器南則兵至矣於是楚計輟不行  
 五十九年秦昭王攻西周盡獻其邑周君王赧卒此時武公王  
赧皆卒連言  
 後七歲秦莊襄王滅東西周

公之於虎裂楚之地足以肥國誣楚之名足以尊主今子將以欲誅殘天下之共主居三代之傳器吞三翻六翼以高世主非貪而何周書曰欲起無先故器南則兵至矣於是楚計輟不行五十九年秦昭王攻西周盡獻其邑周君王赧卒後七歲秦莊襄王滅東西周

